

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), člana 4. Pravilnika o kriterijima i raspodjeli novčanih sredstava za dodjelu jednokratne novčane pomoći za troškove liječenja licima u stanju socijalne potrebe („Službene novine Kantona Sarajevo" broj 11/21, 6/22, 6/23 i 28/25) i tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH", broj 37/24) i Odluke o pokretanju postupka raspisivanja i provođenja javnog poziva, Općinski načelnik objavljuje

JAVNI POZIV
za dodjelu jednokratne novčane pomoći za troškove liječenja licima u stanju
socijalne potrebe

1. PREDMET JAVNOG POZIVA

Predmet ovog Javnog poziva je dodjela jednokratne novčane pomoći za troškove liječenja građanima općine Centar Sarajevo koji se nalaze u stanju socijalne potrebe.

2. FINANSIJSKA SREDSTVA

Sredstva za dodjelu jednokratne pomoći raspoređivat će se u skladu sa odredbama Pravilnika o kriterijima i raspodjeli novčanih sredstava za dodjelu jednokratne novčane pomoći za troškove liječenja licima u stanju socijalne potrebe („Službene novine Kantona Sarajevo" broj 11/21, 6/22, 6/23 i 28/25) sa budžetskih pozicija:

- 614200 Beneficije za socijalnu zaštitu Socijalne pomoći pojedincima novčane pomoći za liječenje u iznosu do 2.500,00 KM licima koja se nalaze u stanju socijalne potrebe u iznosu od 230.000,00 KM
- 614200 Ostali transferi pojedincima grant za nabavku lijekova za oboljele od teških hroničnih bolesti u iznosu od 130.000,00 KM

Planiran iznos sredstava za ove namjene u Budžetu Općine Centar Sarajevo za 2026. godinu iznosi 360.000,00 KM.

Minimalan iznos jednokratne novčane pomoći u skladu sa odredbama Pravilnika o kriterijima i raspodjeli novčanih sredstava za dodjelu jednokratne novčane pomoći za troškove liječenja licima u stanju socijalne potrebe („Službene novine Kantona Sarajevo" broj 11/21, 6/22, 6/23 i 28/25) iznosi 300,00 KM.

Maksimalan iznos jednokratne novčane pomoći u skladu sa odredbama Pravilnika o kriterijima i raspodjeli novčanih sredstava za dodjelu jednokratne novčane pomoći za troškove liječenja licima u stanju socijalne potrebe („Službene novine Kantona Sarajevo" broj 11/21, 6/22, 6/23 i 28/25) iznosi 5.000,00 KM.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

3. CILJ DODJELE SREDSTAVA PUTEM JAVNOG POZIVA

Cilj novčanih davanja je uključivanje lokalne zajednice u sistem zdravstvene zaštite i brigu o zdravlju njenih građana.

4. UVJETI ZA OSTVARIVANJE PRAVA NA JEDNOKRATNU NOVČANU POMOĆ

Pravo na jednokratnu novčanu pomoć za troškove liječenja imaju lica u stanju socijalne potrebe pod uvjetom da ispunjavaju sljedeće kriterije:

- a) da podnosilac zahtjeva ima prebivalište na području općine Centar Sarajevo u trajanju od najmanje jedne godine do dana podnošenja zahtjeva ili boravište po osnovu statusa raseljenog lica;
- b) da ukupna mjesečna primanja porodičnog domaćinstva ne prelaze iznos jedne i po prosječne plaće ostvarene u FBiH prema posljednjim statističkim pokazateljima,

5. POTREBNA DOKUMENTACIJE

Podnosioci zahtjeva za dodjelu jednokratne novčane za troškove liječenja po ovom Javnom pozivu dužni su dostaviti sljedeću dokumentaciju:

- kućna lista;
- potvrda o visini primanja za zaposlene članove porodičnog domaćinstva;
- Medicinska dokumentacija za oboljelo lice;
- Preporuka nadležnog ljekara o potrebi kupovine lijeka, bezglutenske ishrane, rukava za limfedem, silikonskog implantata, silikonske proteze ili određenog medicinskog tretmana;
- Preporuka konzilija ljekara KCUS ili Opće bolnice o potrebi za liječenjem van granica BiH ili ugovoren tretman za liječenje van prebivališta;
- Predračun za kupovinu lijekova;
- Predračun zdravstvene ustanove za troškove banjanskog liječenja;
- Predračun ovlaštenog dobavljača ortopedskog ili drugog pomagala;
- Predračun za troškove liječenja van granica Bosne i Hercegovine;
- tekući račun podnosioca zahtjeva.

Izuzetno, bez obzira na visinu primanja porodičnog domaćinstva, utvrđuju se sljedeća prava za kategorije lica kako slijedi:

- a) Pravo na jednokratnu novčanu pomoć za nabavku lijekova za oboljele od leukemije, hepatitisa B i C i drugih teških bolesti, raspoređuje se po pojedinačnom slučaju, na osnovu preporuke Kliničkog centra Univerziteta u Sarajevu ili Opće bolnice „Dr. Abdulah Nakaš“ i predračuna apoteke, u iznosu do 30% od ukupnih troškova liječenja na godišnjem nivou;
- b) Pravo na sufinansiranje bezglutenske ishrane, po preporuci nadležnog ljekara;
- c) pravo na jednokratnu novčanu pomoć za djecu oboljelu od karcinoma, leukemije, hepatitisa B i C, epilepsije i drugih teških hroničnih oboljenja, djecu oboljelu od diabetes mellitusa i djecu kojoj je dijagnosticiran psiho-fizički poremećaj u razvoju,
- d) Pravo na jednokratnu novčanu pomoć za lica koja zbog nemogućnosti liječenja u BiH, imaju preporuku za liječenje u inostranstvu izdatu od strane konzilija ljekara Kliničkog centra Univerziteta u Sarajevu, JU Opća bolnica "Dr. Abdulah Nakaš" ili ugovoren tretman za liječenje van mjesta prebivališta i to u iznosu 50% od predračunske vrijednosti troškova liječenja.

6. PODNOŠENJE PRIJAVA/ZAHTJEVA NA JAVNI POZIV, ROKOVI I NAČIN DODJELE NOVČANIH SREDSTAVA

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo (www.centar.ba).

Javni poziv ostaje otvoren do kraja tekuće budžetske godine ili do utroška planiranih budžetskih sredstava.

Općina zadržava pravo da izmjeni iznos planiranih sredstava u skladu sa izmjenama budžetskih dokumenata u toku godine.

Zahtjev sa potrebnom dokumentacijom se podnosi Službi za boračko-invalidsku i socijalnu zaštitu -Odsjek za socijalnu zaštitu poštom preporučeno ili putem Protokola Općine Centar Sarajevo, Mis Irbina 1.

Zahtjevi će se rješavati po redoslijedu podnošenja.

Služba je dužna u roku od 30 dana od dana podnošenja riješiti zahtjev i o tome obavijestiti podnosioca.

Osobe koje učestvuju u postupku dodjele sredstava bit će isključene iz postupaka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

Korisnici koji ostvare pravo po ovom Javnom pozivu, dužni su dodijeljena finansijska sredstva pravdati na način koji će biti utvrđen zaključkom Općinskog načelnika.

Podnosilac zahtjeva može istaći prigovor na akt kojim je riješen zahtjev u roku od 8 dana od dana prijema. O prigovorima će rješavati Komisija za rješavanje prigovora po javnim pozivima koju će posebnim rješenjem imenovati Općinski načelnik, a koja će u roku od 30 dana od dana ulaganja prigovora odlučiti o istom.

Dodatne informacije se mogu dobiti na broj telefona: 033/562-447.

Općinski načelnik

Srđan Mandić